



**Komisija za zaštitu javnog zdravlja,
sanitarnu zaštitu i zaštitu stanovništva
Skupštine Kantona Sarajevo**

Broj: 01-05-1295-4/19

Sarajevo, 21.03.2019.g.

VLDI KANTONA SARAJEVO

ZASTUPNICIMA U SKUPŠTINI KANTONA

U skladu sa članom 47. Poslovnika Skupštine Kantona Sarajevo, Komisija za zaštitu javnog zdravlja, sanitarnu zaštitu i zaštitu stanovništva Skupštine Kantona Sarajevo je na sjednici održanoj 21.03.2019.godine razmatrala tačke dnevnog reda 6.radne sjednice Skupštine Kantona Sarajevo iz oblasti zdravstva, te nakon obavljene diskusije podnosi sljedeći

IZVJEŠTAJ

Prijedlog odluke o davanju saglasnosti na Program rada i finansijski plan Javne ustanove Opća bolnica „Prim. dr. Abdulah Nakaš“ za 2019. godinu.

Prijedlog odluke o davanju saglasnosti na Program rada i finansijski plan Javne ustanove Zavod za javno zdravstvo Kantona Sarajevo za 2019. godinu.

Prijedlog odluke o davanju saglasnosti na Program rada i finansijski plan Javne ustanove Zavod za hitnu medicinsku pomoć Kantona Sarajevo za 2019.godinu

Prijedlog odluke o davanju saglasnosti na Program rada i finansijski plan Javne ustanove Zavod za zdravstvenu zaštitu žena i materinstva Kantona Sarajevo za 2019. godinu.

Prijedlog odluke o davanju saglasnosti na Program rada i finansijski plan Javne ustanove Zavod za medicinu rada Kantona Sarajevo za 2019. godinu.

Prijedlog odluke o davanju saglasnosti na Program rada i finansijski plan Javne ustanove Zavod za zdravstvenu zaštitu zaposlenika Ministarstva unutrašnjih poslova Kantona Sarajevo za 2019. godinu.



Prijedlog odluke o davanju saglasnosti na Program rada i finansijski plan Javne ustanove Zavod za bolesti ovisnosti Kantona Sarajevo za 2019. godinu.

Prijedlog odluke o davanju saglasnosti na Program rada i finansijski plan Javne ustanove Zavod za sportsku medicinu Kantona Sarajevo za 2019. godinu.

Prijedlog odluke o davanju saglasnosti na Program rada i finansijski plan Javne ustanove Dom zdravlja Kantona Sarajevo za 2019. godinu.

Prijedlog odluke o davanju saglasnosti na Program rada i finansijski plan Javne ustanove Zavod za zaštitu zdravlja studenata Univerziteta u Sarajevu za 2019. godinu.

Prijedlog odluke o davanju saglasnosti na Program rada i finansijski plan Javne ustanove „Apoteke Sarajevo“ za 2019. godinu.

Komisija je jednoglasno podržala prijedloge odluka o davanju saglasnosti na programe rada i finansijske planove gore navedenih ustanova iz oblasti zdravstva.

U raspravi o programima rada, rukovodioci institucija su naglasili kontinuirane probleme oko kriterija kod finansiranja ustanova od strane ZZO KS, finansiranje specijalizacija, problematiku nedovoljne preventive, neadekvatnih sredstava za razvoj ljudskih resursa, nepoštivanje kolektivnih ugovora, programa prevencije, u smislu zloupotrebe psihoaktivnih supstanci, te nedovoljnog ulaganja u opremu i prostore.

Uzimajući u obzir gore navedeno, Komisija predlaže Skupštini Kantona Sarajevo sljedeće:

Da u ovoj kalendarskoj godini kroz svoj program rada planira i realizira tematsku sjednicu iz oblasti zdravstva, kako bi se na adekvatan, stručan i dobro pripremljen način raspravila navedena problematika, u cilju pronalaženja i implementacije rješenja za kvalitetniju izradu kakofinansijskih, tako i operativnih dokumenata, za naredne budžetske godine, kada je u pitanju ZZO, a samim tim i za sve zdravstvene ustanove, koje su implementator javnog zdravstvenog novca.

Očekujemo da se u pripremi navedene sjednice uradi objektivno istraživanje zadovoljstva pacijenata, te da materijal za navedenu sjednicu pripremi resorno ministarstvo, u saradnji sa ekspertima iz svih oblasti zdravstva, kako bi kompletan proces rezultirao stručnim i provodivim zaključcima.

Smatramo, da je izuzetno važno, da na navedenoj sjednici imamo i predstavnike udruženja pacijenata, reprezentativne sindikate i rukovodstva ustanova, te da na jednom mjestu imamo priliku saslušati sve aspekte problematike navedene oblasti, sa pripremljenim rješenjima, koja će imati za rezultat zadovoljnijeg pacijenta i bolje uslove rada zdravstvenih radnika

Komisija je, takođe, analizirala aktuelnu epidemiološku situaciju u Kantonu Sarajevo, s posebnim osvrtom na povećani broj oboljelih od morbila i usvojila sljedeće:



ZAKLJUČKE

1. Komisija poziva sve institucije da, u skladu sa zakonom provode sve predviđene mjere, te o istom redovno obavještavaju resorno ministarstvo i javnost.
2. Prisutan trend pada pokrivenosti, obaveznom imunizacijom u cijeloj Bosni i Hercegovini, pa i u većini zemalja regiona, je direktna posljedica intenzivne antivakcinalne kampanje i dezinformacija, zbog kojih roditelji odbijaju vakcinisati djecu, što je rezultiralo sa nekoliko velikih epidemija bolesti, koje su, do sada u većini zemalja Evrope i svijeta eliminirane.
3. Prema podacima Zavoda za javno zdravstvo KS, obuhvat obaveznom imunizacijom je daleko ispod nivoa od 95% procijepljenosti, koji garantuje eliminaciju određenih bolesti i prestanak njihovog javljanja u epidemijskim razmjerama, što je direktna posljedica niske procijepljenosti kroz program rutinske imunizacije, propisan Zakonom o zaštiti stanovništva od zaraznih bolesti. Nizak obuhvat imunizacijom je ujedno gubitak kolektivnog imuniteta, koji štiti zajednicu.
4. Pozivamo roditelje da, u saradnji sa nadležnim zdravstvenim ustanovama i pedijatrima, pristupe vakcinisanju djece, jer se radi o jedinoj, naučno dokazanoj mjeri zaštite, koja štiti ne samo pojedinca, nego i kolektiv.
5. Komisija odaje priznanje kompletnom medicinskom osoblju, koje ulaže dodatne napore i radi pod velikim pritiskom povećanog broja pacijenata.
6. Očekujemo od svih institucija i medija da, vrše odgovorno komuniciranje u javnosti, kako bi se osiguralo nesmetano provođenje svih neophodnih aktivnosti, kojim će se epidemiološka situacija staviti pod kontrolu.

PREDSJEDAVAJUĆA KOMISIJE

Segmedina Srna Bajramović,s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1

